

ՌԻՍԿԻ ՄԱՍԻՆ ՆԱԽԱԶԳՈՒՇԱՑՈՒՄ

Ստորև շարադրվածի միջոցով մենք ցանկանում ենք Ձեզ տեղեկացնել և Ձեզ համար բացահայտել որոշակի ներդրումների տեսակների և առևտրային ռազմավարությունների բնույթն ու դրանց հետ կապված ռիսկերը: Սույնով ցանկանում ենք նաև Ձեզ տեղեկացնել, որ ֆինանսական շուկաներում գործարքները կարող են հանգեցնել Ձեր ներդրումները կորցնելուն:

Սույն ծանուցումը չի կարող բացահայտել ոչ Ֆորեքսի, ֆյուչերսների, օպցիոնների, ոսկու կամ գնային տարբերության պայմանագրերի (այսուհետ՝ CFD), ինչպես նաև այլ ներդրումների տիպերին բնորոշ բոլոր ռիսկերը կամ այլ էական ասպեկտները, ոչ էլ տարբեր առևտրային ռազմավարություններին բնորոշ բոլոր ռիսկերը և այլ էական ասպեկտները: Մինչ ցանկացած գործարք նախաձեռնելը դուք պետք է ծանոթանաք այն գործիքին, որով դուք նպատակ ունեք գործարք կատարել, ինչպես նաև հասկանաք, թե ինչպես է աշխատում շուկան: Խնդրում ենք կարդալ մեզ հետ ձեռնարկվելիք գործարքին առնչվող ողջ տեղեկատվությունը, որը տեղադրված է մեր կայքէջում: Մենք խորհուրդ չենք տալիս գործարքներ կնքել այդ գործիքներով, եթե դուք չեք հասկանում դրանց բնույթը և չեք պատկերացնում Ձեր կողմից ստանձնած ռիսկի աստիճանը: Դուք նաև պետք է համոզվեք, որ առաջարկվող ֆինանսական գործիքները պիտանի են Ձեզ համար՝ հաշվի առնելով Ձեր հանգամանքները և ֆինանսական դրությունը: Որոշ ռազմավարություններ, ինչպիսիք են սփրեդ դիրքը կամ սթրադդլը կարող են նույնքան ռիսկային լինել, ինչպիսիք են, օրինակ, սովորական կարճ կամ երկար դիրքը:

Չնայած ածանցյալ գործիքները կարող են օգտագործվել ներդրումային ռիսկի կառավարման համար, այդ պրոդուկտներից որոշները անհրաժեշտ չեն շատ ներդրողների համար: Տարբեր գործիքներ ունեն ռիսկի տարբեր աստիճաններ և այդ գործիքներով գործարքներ կնքելու որոշում կայացնելիս դուք պետք է տեղյակ լինեք հետևյալի մասին.

1. Ներդրումներ Ֆորեքսում կամ արտարժույթային օպցիոններում:

Այս ներդրումն ունի այն նույն ռիսկը, ինչ ֆյուչերսներում ներդրում կատարելիս և դուք պետք է ծանոթ լինեք ֆյուչերսներին բնորոշ ռիսկերին: Ֆորեքսում կամ արտարժույթի օպցիոններում գործարքները կարող են նաև հանգեցնել նրան, որ որոշ հանգամանքներ վրա հասնելու դեպքում դուք պարտավոր կլինեք կրել որոշակի վճարման պարտավորություններ (այսուհետ՝ պայմանական պարտավորություններ), և դուք պետք է տեղյակ լինեք այդպիսի հնարավորությունների մասին, ինչպես որ շարադրված է ստորև: Դուք նաև պետք է տեղյակ լինեք, որ արտարժույթի մարզինացված գործարքները ֆինանսական շուկայում գոյություն ունեցող գործարքներից ամենառիսկայիններից են և դրանք հարմար են միայն բանիմաց և

հմուտ անհատների կամ կազմակերպությունների համար: Հաշվի առնելով ողջ ներդրումները կորցնելու հնարավորությունները, արտարժույթի շուկայում սպեկուլիացիաները պետք է կատարվեն բացառապես Ձեր միջոցների այն բաժնով, որոնք կորցնելու դեպքում Ձեր անձնական կամ ֆինանսական բարեկեցությունը չի տուժի (այսուհետ՝ ռիսկային կապիտալ):

Եթե դուք անցյալում կատարել եք միայն կոնսերվատիվ ներդրումներ, դուք միգուցե ցանկություն ունենաք սովորել արտարժույթի առավաճառքի նրբությունները՝ մինչև այդ բնույթի ներդրումներ կատարելը: Դուք պետք է նաև գիտակցեք, որ գնման օպցիոնների սահմանափակ ռիսկը նշանակում է, որ դուք կարող եք կորցնել ամբողջ ներդրումը, եթե օպցիոնը կատարման պահին արժեք չունենա: Եթե դուք ցանկություն ունեք շարունակել ներդրումներ կատարելը, դուք պետք է գիտակցեք և ընդունեք, որ Ձեր կողմից ներդրված միջոցները բացառապես ռիսկային կապիտալ են և Ձեր միջոցները կորցնելը չի վնասի Ձեր ապրելակերպը և ոչ էլ կվնասի Ձեր ապագա ծրագրերը: Ի լրումն նշվածի, դուք լիովին հասկանում եք արտարժույթային ներդրումների ռիսկը, և ուրիշների հանդեպ Ձեր պարտավորությունները չեն տուժի, եթե դուք կրեք ներդրումների կորուստներ:

2. Ֆյուչերսներ

Ֆյուչերսներով գործարքները ներառում են պայմանագրի հիմքում դրված ակտիվը ապագայում պատրաստելու, գնելու կամ առաքելու, կամ որոշ դեպքերում կանխիկով դիրքը լուծելու պարտավորությունը: Ֆյուչերսները պարունակում են ռիսկի բարձր աստիճան: Լեվերեջը (բրոքերի կողմից տրամադրվող լրացուցիչ գումարը), որը հաճախ հասանելի է ֆյուչերսներով գործարքներում, նշանակում է, որ փոքր դեպոզիտն անգամ կարող է տալ ինչպես նաև օգուտներ, այնպես էլ հանգեցնել խոշոր վնասների: Սա նշանակում է նաև, որ գնային փոքր շարժն անգամ կարող է հանգեցնել համեմատաբար խոշոր շարժի Ձեր ներդրումների արժեքում, և այդ շարժը կարող է աշխատել ինչպես Ձեր օգտին, այնպես էլ ի վնաս Ձեզ: Ֆյուչերսային գործարքներն առաջացնում են պայմանական պարտավորություններ, և դուք պետք է տեղյակ լինեք դրանց հետևանքների մասին, մասնավորապես մարգինացման պահանջներին, որոնք ներկայացվում են ստորև:

3. Օպցիոններ

Գոյություն ունեն օպցիոնների տարբեր տեսակներ, որոնք բնութագրվում են հետևյալ կերպ.

Գնման օպցիոններ

Գնման օպցիոնները պարունակում են առավել նվազ ռիսկ, քան վաճառքի օպցիոնները, քանի որ եթե հիմքում դրված ակտիվի գինը շարժվի Ձեր դեմ, դուք ուղղակի կարող եք չգնել այդ ակտիվը: Առավելագույն կորուստը կլինի պրեմիումը (օպցիոնի համար վճարված գումարը), գումարած ցանկացած այլ միջնորդավճար և գործառնական ծախսեր: Չնայած նշվածին, այնուամենայնիվ եթե դուք գնում եք ֆյուչերսային գործարքի քոլ օպցիոն և հետագայում իրականացնում եք Ձեր օպցիոնը, դուք ձեռք եք բերում ֆյուչերսը: Սա Ձեզ ենթակա է դարձնում «ֆյուչերսների» և «ներդրումային գործարքների պայմանական պարտավորություններով» բաժիններում նկարագրված վնասների ռիսկերին:

Օպցիոնների սրանձնում

Օպցիոն ստանձնելու ժամանակ ռիսկն ավելի մեծ է, քան օպցիոններ գնելու ժամանակ: Ձեր դիրքերը պահպանելու համար կարող է պահանջվել չնվազող մնացորդ, մինչդեռ Ձեր կրած վնասը կարող է ավելին լինել, քան ստացված պրեմիումը: Օպցիոն ստանձնելով դուք իրավական պարտավորություն եք ստանձնում վաճառել կամ գնել գործարքի հիմքում ընկած ակտիվը, եթե օպցիոն ձեռք բերողը դա պահանջի, անկախ նրանից, թե գինը որքան է հեռացել իրականացման գնից: Եթե դուք արդեն ունեք գործարքի հիմքում դրված ակտիվը (ապահովված քոլ օպցիոն), որը դուք պարտավորվել եք վաճառել, ռիսկը նվազում է: Եթե դուք չունեք հիմքում դրված ակտիվը (չապահովված քոլ օպցիոն), ռիսկի չափը կարող է անսահմանափակ լինել: Չապահովված քոլ օպցիոն պետք է ձեռք բերեն բացառապես փորձառու մարդիկ, և այն էլ միայն հնարավոր ռիսկերը հաշվի առնելուց հետո:

Ավանդական օպցիոններ

Լոնդոնի բորսայի անդամ որոշակի ընկերություններ որոշակի բորսայական կանոնների համաձայն ստանձնում են օպցիոնների հատուկ տեսակներ, որոնք կոչվում են ավանդական օպցիոններ: Սրանք կարող են պարունակել ավելի մեծ ռիսկ, քան այլ օպցիոնները:

Երկու ուղղությունների գները որպես կանոն չեն նշվում և գոյություն չունի բորսա, որտեղ կարելի է փակել բաց դիրքը կամ որևէ գործողություն կատարել հավասար կամ հակառակ գործարքի վրա՝ բաց դիրքը շրջելու համար: Կարող է դժվար լինել գնահատել դրա արժեքը կամ, վաճառողի համար, կառավարել իր ռիսկը:

Որոշակի օպցիոնների շուկաներ գործում են մարգինացման (չնվազող մնացորդի) հիմքի վրա, որոնց շրջանակներում գնորդները չեն վճարում լրիվ պրեմիումը օպցիոնը ձեռք բերելու պահին: Այդ դեպքերում Ձեզանից հետագայում կարող են պահանջել վճարել չնվազող

մնացորդ՝ մինչև Ձեր պրեմիումի արժեքի չափով: Եթե դուք չկատարեք դա, Ձեր դիրքը կարող է լուծվել կամ փակվել նույն եղանակով, ինչ ֆյուչերսների դեպքում:

CFD

Ֆյուչերսները և օպցիոնները կարող են նաև դիտարկվել որպես CFD-ներ: Սրանք կարող են լինել FTSE 100 ինդեքսի կամ ցանկացած այլ ինդեքսի ֆյուչերսներ կամ օպցիոններ, կամ արտարժույթի կամ տոկոսադրույքի սվոպներ: Սակայն ի տարբերություն այլ ֆյուչերսների և օպցիոնների, այդ կոնտրակտները կարող են կատարվել միայն կանխիկով: CFD-ներում ներդրումները պարունակում են նույն ռիսկերը, ինչ և ֆյուչերսներում կամ օպցիոններում ներդրումները, և դուք պետք է տեղյակ լինեք ֆյուչերսների և օպցիոնների ռիսկերից: CFD-ներում ներդրումները կարող են նաև հանգեցնել պայմանական պարտավորություններով վնասների և դուք պետք է տեղյակ լինեք դրանց հետևանքներից, ինչպես որ ներկայացված է սույն հավելվածում:

Արտաբորսայական CFD պայմանագրեր

Այս գործարքները չեն իրականացվում ճանաչված կամ կարգավորվող բորսայում և սա նշանակում է, որ ներդրողը ստանձնում է ռիսկի առավել բարձր աստիճան: Սա, օրինակ, նշանակում է, որ եթե դուք ցանկանում եք փակել CFD ժամանակից շուտ, դուք այն պետք է փակեք մեր նշած գնով, որը կարող է ներառել CFD գործարքի հիմքում դրված շուկայի պրեմիումը կամ զեղջը: Երբ գործարքի հիմքում դրված շուկան փակ է, մեր գնանշման վրա կարող է ազդել այլ հաճախորդների կողմից գնման կամ վաճառքի ծավալները: Մեր հետ կնքված պայմանագրերը կարող են փակվել միայն մեզ հետ:

6. Արտասահմանյան շուկաներ

Արտասահմանյան շուկաները կարող են պարունակել տարբեր ռիսկեր: Որոշ դեպքերում ռիսկն ավելի մեծ է: Ըստ պահանջի, մենք պետք է տրամադրենք համապատասխան ռիսկի կամ դրանից պաշտպանության միջոցների մասին պարզաբանումներ, ներառյալ տեղեկատվություն այն մասին, թե որ չափով մենք պատրաստ կլինենք կրել պատասխանատվություն մեր հետ աշխատող օտարերկրյա ընկերության դեֆոլտի դեպքում: Օտարերկրյա շուկաներում գործարքների վնասի կամ օգուտի վրա կազդեն նաև արտարժույթի տատանումները:

7. Պայմանական պարտավորությամբ ներդրումային գործարքներ

Չնվազող մնացորդ ունեցող պայմանական պարտավորության ներդրումային գործարքներով դուք պարտավոր եք գնման ողջ գինը անմիջապես վճարելու փոխարեն կատարել գնման գնի սահմաններում մի շարք վճարումներ: Եթե դուք գործարքներ եք կնքում ֆյուչերսներով, CFD-ներով կամ վաճառքի օպցիոններով, դուք կարող եք ամբողջությամբ կորցնել դիրքը բացելու կամ պահպանելու համար Ձեր ներդրված սահմանաչափը: Եթե շուկայական գները շարժվում են ի վնաս Ձեզ, Ձեզանից կարող են պահանջել անհապաղ վճարել լրացուցիչ սահմանաչափ՝ դիրքը պահպանելու համար: Եթե դուք պահանջվող ժամանակում չեք կատարում պահանջը, Ձեր դիրքերը կարող են փակվել վնասով և դուք պարտավոր կլինեք փոխհատուցել վնասը: Նույնիսկ եթե գործարքը չունի չնվազող մնացորդի պահանջ, դրանով նույնպես կարող է պարտավորություն ծագել որոշակի հանգամանքներում որոշակի վճարումներ կատարելու առումով՝ ի լրումն այն գումարի, որը դուք վճարել եք գործարք կնքելիս:

8. Գրավ, ներառյալ չնվազող մնացորդը:

Եթե դուք ներդնում եք գրավ՝ որպես ապահովություն, այդպիսի գրավի առնչությամբ մեր վերաբերմունքը տարբեր դեպքերում կարող է տարբեր լինել՝ կախված նրանից, թե դուք որտեղ եք գործարքներ կնքում և ինչ գործարքներ եք կնքում: Մասնավորապես, վերաբերմունքը կարող է էականորեն տարբերվել կախված նրանից, թե դուք գործարքները կնքում եք ճանաչված բորսաներում, այդ բորսայական կանոններով (ներառյալ քլիրինգային պալատների կանոններով) սահմանված կարգով կամ գործարքային արտաբորսայական եղանակով: Ձեր անունից գործարքներ կնքելու դեպքում ներդրված գրավը կխառնվի այլ ակտիվների հետ: Նույնիսկ եթե Ձեր գործարքները ի վերջո համարվեն շահութաբեր, դուք կարող է չստանաք նույն ակտիվները, որոնք դուք ավանդադրել եք, դուք կարող է ստիպված լինեք ընդունել կանխիկով վճարումը: Դուք պետք է հստակեցնեք մեզ հետ, թե մենք ինչպես պետք է վարվենք Ձեր գրավի հետ:

9. Անվճարունակություն

Մեր կամ Ձեր հետ գործարքում ներգրավված ցանկացած բրոքերի անվճարունակությունը կամ դեֆոլտը կարող է հանգեցնել առանց Ձեր համաձայնության Ձեր դիրքերը փակելուն կամ լիկվիդացնելուն: Որոշ հանգամանքներում, դուք կարող է հետ չստանաք որպես գրավ դրված ակտիվները և դուք ստիպված կլինեք ընդունել հասանելի ցանկացած վճարումը կանխիկով:

1. Անցյալ ցուցանիշներ

Դուք պետք է տեղյակ լինեք, որ Ձեր գործարքների առարկա ցանկացած ֆինանսական գործիքի գինը կախված է ֆինանսական շուկաների տատանումներից, որոնք մեր հսկողությունից դուրս են և որ տվյալ ֆինանսական գործիքի անցյալ ցուցանիշները որևէ կերպ չեն կարող հանդիսանալ ապագա կատարողականի ցուցանիշ: